

գրկանաց . պատուիրել արանց կուսակալին և այլ գործա-
վարաց՝ չլինել ձեռներեց յայնպիսի գործս և հասուցանել
չարիս Հայոց . 'ի բոց մերժել զայնպիսի կամակորս . եւ
յականէ յանուանէ ծանուցանել 'ի Դուռն , որք ոչն կա-
մին հնազանդիլ օրինաց և հրամանի Արքային , զի մի հարկ
լիցի կրկնելոյ զհրամանն , \ 9 \ (1648) :

Աստուածատուր Պատրիարք արար եւ նորոգութիւնս
ինչ 'ի վանս Ս . Յակոբայ , սակայն այս շինութիւնք տե-
ւեցին երկար և կրեցին միաբանք վիշտս և նեղութիւնս
ոչ սակաւ . որպէս յայտ առնեն բաղմաթիւ դատաստա-
նական գրեանք , զորոց զանց արարաք մի առ մի կրկնել
աստանօր , բաց 'ի գլոյն կուսակալին Դամասկոսի :

Կուսակալն Մուստաֆայ Փաշայ՝ լուեալ էր զնորոգու-
թեանց վանօրէիցն Հայոց , որոց վասն գրեաց թուղթ առ
դատաւորն երուսաղէմի , և առաքեաց զայն 'ի ձեռն պաշ-
տօնէին իւրայ Ապտրրահման կոչեցելոյ , հարցանել զորպի-
սութենէ շինուածոց : Ի հատանիլ առնն 'ի քաղաքն սուրբ .
կազմեցաւ ժողով մեծ , ուր էին դատաւորն՝ քաղաքապետն
Մէհմէտ Փաշայ , դասք գիտնականաց՝ և այլք , կոչեցան
Յակոբ և Տօնիկ 'ի վանացն Հայոց , ընթերցաւ յատենի նա-
մակ կուսակալին՝ ուր ասէր , « Հայք բնակեալք յերուսա-
ղէմ , լուաք թէ քակեալ են 'ի հիմանց զվանքն կոչեցեալ
Հապս էլ Մէսիհ , (բանտն Գրիստոսի) արտաքոյ քաղաքին՝
մերձ 'ի չիրիմն Մարգարէին Դաւթի , եւ նորոգ շինեալ
զայն . քննութիւն արարեալ զայնմանէ առաջի պաշտօնէին
մերոյ . գրեալք ըստ օրինի զարդիւնս նորին : Հրամայեաց
դատաւորն Հայոց պատմել զիրս նորոգութեանց : Եւ նոքս
ասեն՝ Հայք ոչ են քակեալ և նորոգ շինեալ զվանս Սուրբ
Փրկչի , այլ միայն առաջին Պատրիարքունք նորոգեալ են
զայն հրամանաւ դատաւորաց քաղաքիս , որպէս եւ մեք
նախ քան զերկուս ամս նորոգեցաք զպարիսպ նորին . զի
վտանգ մեծ էր անկանիլ քարանց 'ի վերայ այլազգեաց
Սիոնի , ըստ քննութեան և հրամանի դատաւորին նորո-
գեցաք զայն , ըստ մտաց Արքունի հրովարտակին : Յեա
ընթեանլոյ զգրեանս չոքան բաղմութեամբ 'ի վանս Սուրբ
Փրկչի , և 'ի քննութեան պահու դաին միայն նորոգեալ
հարաւային պարիսպն , զի 'ի տեղի հնացեալ եւ անկեալ